

ЛЕНИН ТУЙ ВЫЛЭТ

(По ленинскому пути)

Лэсьэтчэ РККА призыв кежэ

Сибэтчэ 1917—1918 год-д'езэс молодёжлэн РККА-э призывлэн кад. Призыв делозн долженсь занимайтчыны быдэс организацияез, колхозэз, МТС-эз, быдэс общественность.

Призыв кежэ лэсьэтчэмын основнай задача—этэ сетны РККА пополненнээ военно-политическэя грамотнайезэ, физическэя здоровэйезэ и с'етшэмме-зэ, кадна преданнэйсь миян социалистическэй родина-лэ, Ленин—Сталин партиялэ. Допризывниккез политическэй воспитаннээ колэ пыртны 1937 годся февральско-мартовскэй да 1938 годся январскэй ВКП(б) ЦК пленумезлэсь постановленнээ и ёрт Сталинлэсь указаннээ.

Босны-кэ мукэд итоггез призыв кежэ лэсьэтчэм сьэрти, то округись мукэд районн'езын картина не эддэн бур. Например, неграмотность да малограмотность ликвидируйтэмын Кудымкарскэй район пасьта оз велэтчэ 10,9 проц. вылэ, Косинскэй—20,6 проц. вылэ. Сидз-жэ и больнайез оз лечитчэ Косинскэй районын 42,6 проц. вылэ, Гайнскэй—34,5 проц. вылэ и мэдик районн'езын 15—18 процентэдз. Колэ признайтны, што этнэн вопрос'езнас оз занимайтчэ не РайОНО-ес, не ОКРОНО не Райздравез, не Окрздрав.

Сидз-жэ йетшась имейтэны обороннай значоккез. Но бэра-жэ эта вопросэн ез занимайтчэ кызд ОСО первичнай организацияез, сидз и ОкрОСО.

Эни кольччэм кадэ долженсь оздоровительнай удж бердэ буржыка кутчыны Райздравез да Окрздрав, а малограмотность да неграмотность ликвидирутам удж бердэ РайОНО-ес да ОкрОНО.

Сидз-жэ колэ организуйтны массовэй удж Осоавиахимовскэй первичнай организацияезын районн'езын допризывниккезкэт соцсоревнованнээ итоггез сьэрти долженсь чулэты собраннээ, конференцияез, кытчэ корны быдэс допризывниккезэс.

1938 годся призыв округын колэ чулэты образцовэя. Эта понда колэ, медбы быдэс организация и быдэс общественность включитчэ ликвидируйтны призыв кежэ лэсьэтчэмын недочотт'ез да недостатоккез.

М. МОРОЗОВ

РСФСР Верховнэй Совет президиумын

Июль 22 лунэ, Кремль-ын, ёрт Бадаев А. Е. председательство увтын валі РСФСР Верховнэй Совет президиумлэн первэй заседаннээ.

Президиум петкэтис решеннээ публикуйтны законн'ез, кэднэ примитис РСФСР Верховнэй Советлэн Первэй Сессия, и л'едзны Сессиялэсь стенографическэй отчёт. Автономнэй республикаезись Верховнэй Советт'езлэ рекомендуйтэм л'едзны РСФСР Верховнэй Советлэн Первэй Сессиялэсь стенографическэй отчёт автономнэй республикаезлэн соответствующэй кыв вылын.

РСФСР Верховнэй Совет Президиумлэн заседаннээ дынэ подготывительнай уджжез нуэтэм понда да разрешайтны текущэй делоз решитэм образуйтны РСФСР Верховнэй Совет Президиумлэн Секретариат ёртт'ез: Козлов Г. В., Шкирятов М. Ф., Косарев А. В., Ефремов А. И., Донской В. А. составын.

РСФСР Верховнэй Советлэн Президиум поручи-

тис Комиссиялэ ёртт'ез: Бадаев А. Е. (председатель), Калинин М. И., Андреев А. А., Булганин Н. А., Шкирятов М. Ф., Угаров А. И., Козлов Г. В., Косарев А. В., Хохлов И. С. и Донской В. А. составын, разработайтны РСФСР Верховнэй Совет Президиумлэн аппаратэс реорганизуитан план и ассиньс предложеннээсэ сетны Президиумлэ утверждённээ.

Заседаннээ вылын сидз-жэ видзэтэм вопрос РСФСР Верховнэй Совет Президиумлэн председателлэсь заместителлэс удж йылись. Установитэм, что председателлэн заместителлэс очереддэсэн 1—2 месяц дырнаэн непосредственно долженсь уджавны РСФСР Верховнэй Совет Президиумын.

Утвердитэмэсь депутатскэй билетт'езлэн образец да РСФСР Верховнэй Совет депутатлэн нагруднай значок.

Образуйтэм РСФСР Верховнэй Совет делозэн управленнээ.

(ТАСС)

Комсомолецез! Готовитчэ комсомоллэн XX годовщина кежэ!

(Красноармеец Н. И. Шаньшеровсьянь письмо).

Дона ёртт'ез, комсомолецез, комсомолкаез, быдэс молодёж! 1938 годэ октябрь 29 лунэ тырэ Ленинско-Сталинскэй комсомоллэн XX годовщина. Эта славнэй юбилейсэ усэ сия лунн'езкэт, кэр миян счастливэй родинаись быдэс народд'ез пондасэ отмечайтны Великэй Октябрьскэй Социалистическэй революциялэсь XXI годовщина.

Ленинско-Сталинскэй комсомол этлаын Советскэй Союзись быдэс молодёжкэт готовитчэ пантавын этэ знаменательнай лунсэ вылын производственнай показателлэсэн, этэн быдэс удж участоккезын паськэтэны социалистическэй соревнованнээ да стахановскэй движённээ, радостьэн да гордотьэн пессьэны куймэт сталинскэй пятилеткасы первэй годлэсь план досрочнэя тыртэм понда.

Мийэ, Краснэй Армияись комсомолецез, ёджыт радостьэн готовитчэмэ пантавын советскэй молодёжлэсь великэй праздник и ознаменуйтамэ сийэ миян боевэй да политическэй подготывкаын виль достиженнээсэн, отличнэя сталинскэй вахта нуэтэмэн.

Партия да правительствэ и лично ёрт Сталин окажатисэ мянлэ вылын доверие—сулавны ассиньм счастливэй родина защита вылын. И ась народлэн враггез, троцкистско-бухаринскэй гадинаес, оголте-

лэй фашистскэй понн'ез оз старайтчэ пуктыны ассиньс дукэсь сапогысэ миян священнай му вылэ. Миян границаез крепыт замок вылын! Миян нейтша комсомолецез, боевэй да политическэй подготывкалэн отличниккез, кыздз: С. Калинин, А. А. Исаев, Авдеев, Д. Минин, Волокитин, Ошмарин и уна мэдиккез.

Мийэ быдэс комсомолец ас коласаным заключитимэ социалистическэй договоррез. Этэн самэй мийэ ешэ буржыка пондамэ уджавны, вылынжыка л'обтамэ революционнэй бдительность, адзыны и физическэя уничтожайтны быдэс враггезэс.

Ёртт'ез комсомолецез, ме ешэ этпыр обращайтесь тиян дынэ и кора тиянэс нуэтны колхозниккез да колхозницаез коласын, с'етэн кытэн тийэ уджалатэ, политико-массовэй, агитационно-пропагандистскэй удж. Этэн самэй лоас уборкалэн да нянь поставкалэн успех, этэн самэй ешэ буржыка крепитамэ миян родиналэсь вын да мощь.

Готовитэ мамлэ-родиналэ подароккез! Пырэ бьдэнынт социалистическэй соревнованнээ да стахановскэй движённээ рядд'езэ! Вылына видзэ Ленинско-Сталинскэй комсомоллэсь званнээ!

Красноармейскэй комсомольскэй приветэн Н. И. Шаньшеров г. Кронштадт.

Юсьвинскэй районуын пондэтчисэ ДЗИМЛЯВНЫ СЮ

(Юсьвасянь телефон пыр)

Боталовскэй сельсоветись Антипинскэй колхоз, колхозись председатель ёрт Боталов руководство увтын, успешнэя завершитись турун дзимлялан кампания. План тыртись 100 процент вылэ.

Июль 25 лунэ пондэтчись выборочнэя дзимлявны сюезлэсь урожай. Первэй лунэ вундисэ рудзэг 1 гектар да нетшкисэ лён 1 гектар.

Июль 26 лунсянь сю дзимлялан кампания эта колхозын лоас массовэй.

Сидз жэ сю дзимлялан кампания пондэтчись Дмитриевскэй колхозын. Первэй лунэ вундисэ 5 гектар рудзэг да 1,5 гектар нетшкисэ лён.

1938 годся обильнэй урожай радуйтэ колхознэй массаэс. Ния увереннэйсь, што ёрт Сталинлэн 7—8 миллиард пуд сю йылись сувтэтэм задача таво тырас содтэтэн.

ФЕДОСЕЕВ

Нарушайтэны Экономсоветлэсь постановленнээ

Сы туйэ, медбы колхоз правленнээсэ сетны вэр организацияезлэ содействие вэр заготовкеезын уджалэм вылэ колхозниккезкэт договоррез заключайтэмын, кызд эта йылись указитэм СССР СНК Экономсоветлэн постановленнэын, мукэд колхоз правленнээсэ мунэны эта постановленнээсэ против. Вэр организацияезлэ практическэй отсэт сетэм туйэ колхозниккезкэт договоррез заключайтэмын Новожиловскэй сельсоветись мукэд колхоз правленнээсэ пондисэ агитируйтны да гижны общэй колхознэй собраннээсэ вылын протоколл'ез, нарядд'ез не реальность йылись, кэднэя сетэмэсь Райисполкомэн.

Кудымкарскэй Райисполком Новожиловскэй сельсоветлэ сетэм наряд вэрзаготовкеезын уджалэм понда 25 морт вылэ, нынсь Мартинскэй колхоз понда 10 морт вылэ да Мижуевскэй колхоз понда сидз-жэ 10 морт вылэ.

Выделитны 10 мортэн вэрзаготовкеезын уджалэм вылэ с'етшэм колхозэз пойда, кызд Мартинскэй да Мижуевскэй, бура позьэ. Ена колхозэзын ем ёджыт уджалэн вын, а етысянь ния немэн оз пострадайтэ. Но не сидз думайтэны ена колхозэзись председателлэс. Общэй колхознэй собраннээсэ вылын, ны редакция увтын валэсэ гижэмэсь с'етшэм постановленнээсэ, што нарядд'ез Кудымкарскэй райисполкомлэн не реальнайсэ...

Общэй собраннээ протоколын Мартинскэй колхоз (колхозись председатель Тупицин Василий Дмитриевич) гижис, што 10 морт туйэ, ния вермасэ

выделитны... 5 мортэс. А Мижуевскэй колхозись председатель Шипицин Павел Петрович висьталэс, што общэй собраннээ протоколын валі указитэм: „10 морт туйэ колхоз вермас выделитны... токо 3 мортэс“.

Результатын Велвинскэй Мехлесопунктын ена колхозэзэсянь июль 26 лунэ кежэ уджалэны токо 6 морт. Юасьэ: тэдэны-ли ния правительстволэсь постановленнэись йылись, што колхоз правленнээсэ да нылэн председателлэс обязансь содейсуйтны колхозниккезкэт договоррез заключайтэмын вэрзаготовкеезын уджалэм вылэ? Да, ния тэдэны. Ния долженсь тэдны, сидз кызд май 26 лунсянь Экономсоветлэн постановленнээ ена колхозэзын специально раз'яснитэм вэр организацияезись представителлэсэн. Но ния упорнэя настаивайтэны асланыс вреднэй мненнээ вылын, што оз ков отсавны вэрпромышленностьлэ, петкэты сийэ прорывись.

Тупицин В. Д. да Шипицин П. П. категорически воспрещайтэны вэр организацияезлэсь представителлэсэ заключайтны вэрзаготовкеез вылын уджалэм вылэ, колхозниккезкэт договоррез. Ния тыдалэ вунэтиэ и сийэ, мый висьталэм эта йылись Экономсоветлэн постановленнэын. А ед с'етчин висьталэм веськыта, што колхоз правленнээсэ пред-седателлэс, кэднэя нарушитасэ эта постановленнээсэ пондасэ привлекайтчыны судебнай ответственностьэ.

А. Педюков

ПАРТИЙНЭЙ ОЛАН

Инструкторрез первичнэй
парторганизацияезлсь удж

ОЗЭ ТЭДЭ

Первичнэй парторганизацияезын отчетно-выборнэй собраннээс вылын уна байтисэ сы йылиэ, што ВКП(б) райкомезис инструкторрез шоча вовлывлены первичнэй парторганизацияезэ, оза интересуйтчыны удж вывса запрос'езэн, умэля отсалэны нылэ уджын.

Коліс-бы етна замечаннээс керэм бэрти инструкторрезлэ мэдкодсьэтны ассиныс удж, бергэтчыны первичнэй парторганизацияезлань да буржыка отсавны нылэ уджын, но мялякэ энэдз положеннэс ез вежшы.

Кудымкарскэй районин 33 первичнэй парторганизация, кытэн отчетно-первыборнэй кампания чулэтик коста партийнэй руководство дьнэ уна локтисэ первуись, ния аддын нуждайтчыны партийнэй удж нуэтэмын бьдлуныс

Непартийнэй поступок

Юсьвинскэй межрайоннэй колхознэй школаис директор Мехоношин сельхозартеллеаліс Сталинскэй устав нарушитисезкэт пессьем туйэ ачыс способувуйтэ. Сідз, например, Сталинскэй колхозис председателсьянь бэбэтэм мэдбур видз 2 гектар кыдз бышкола понда, мый понда колхозлэ кэсйэм сетлыны школьнэй автомашина. Но школанс понда райосьянь натодиль видз сетэм Курроскэй сельсоветис, а

ыджыт отсэтын, но ВКП(б) райкомсянь сія абу.

Облторговскэй первичнэй парторганизацияис парторг ёрт Смоленцева не токо ачыс бэрийэм первуись, но и бьдэс парторганизация организуйтэм вились, а райкомсянь этпырись абу-на вовлэмась некин. Мыйсянь ета партийнэй группаны абу-на вэлэм этік партийнэй собраннэ. ВКП(б) Кудымкарскэй райкомис инструкторрез Панова, Мехоношин Иван Яковлевич да Старцев занимайтчыны бьдкодь вопрос'езэн, но токо не партийнэй уджэн.

Эні парторгрез мукэдыс мунисэ отпускэ, ны местэ кольччисэ нылэн заместителлэс, кэднэ ешэ оза верма настоящая сувтэтны партино-организационнэй удж. Райкомис инструкторрезлэ, кыдз некэр, колэ отсавны первичнэй парторганизацияезлэ.

колхознэй видз вылісь сія турун керэ лично алыс.

Мехоношин не токо нарушитис етэн поступокна сельхозартеллэс Сталинскэй устав, сія ета площадь вылын пондис весь уджэтны асси курсант'езэс.

Юсьвинскэй ВКП(б) райколэ ета непартийнэй поступок понда колэ Мехоношинэс тшэктыны видзны ответ.

Фадосөөв

Противопожарнэй охрана сувтэтэм умэля

Эні, кэр сулалэны жаршондйя лунн'ез, кэр бьдместамс кэс, ковсьэ ыджыт удж противопожарнэй дружинаезсянь ковсьэ ыджыт бдительность нысянь. Не сідз сувтэтэм дело Мелюхинскэй сельсоветын.

Пожарнэй машина сулалэ додь вылын. Безусловно, пожар случайн, не токо куэстны сійэ, но оза позь лоас и петкэтны машинаса пожарнэй депоись.

Участокын, кэдэ обслуживайтэ Мелюхинскэй пожарнэй дружина (дружиналэн начальник Тарасов Тимофей Васильевич) озоблудайтэ противопожарнэй мероприятияез. Керку крышаез вылын куйлэ идэас. Уна крышаез вылын абу ва.

Фотинскэй колхознэй гуна вылын молодёжь чулэтэ вечерез, кытэн находитчэ уна идэас. Сідз, кыдз мукэдыс куритэны, вермас лоны пожар, а пожарнэй дружиналэн начальник Тарасов оз адзыз етэ, оз примит некытшэм мераез. Сійэ, што Мелюхинскэй сельсоветын оз облудайтэ противопожарнэй мероприятияез абу гарантиашто оз вермы лоны пожар.

Мелюхинскэй пожарнэй дружиналэ да сы начальник Тарасовлэ колэ серьёзнэя кутчыны асланыс обязанностез тыртэм бердэ, бура наладитны сельсовет пасьта противопожарнэй охрана.

СИН

Оз кыскалэ назём

Разинскэй сельсоветис Внуковскэй колхозын подакартавлісь энэдз еза кыскалэ назём, конюшнаын вять, ва, нельки мэсс'езлэ некытчэ пырны, а не токо водны.

Бригадиррез Мехоношин Н. Т. да Четин Е. М. оза сетэ вэвез кыскавны назём и не токо кыскавны назём, нельки оза сетэ кыс-

кавны йэв. Вот, например, сторож Четин мэдис кыскавны Кудымкарэ йэв, то бригадирсылісь мырддис телегасэ да ешэ висьталіс: „ас вылат-пэ кыскы йэвса“.

А колхозис председател Мехоношин М. И. дак и этпыр ез вэв конюшнаын, ез видзэт кыдз олэны мэсс'ез.

Колхозник

Кудымкарын колэ керны мэсс'ез да вэвез
искусственнэя осеменитан натодиль пункт

Миян Советскэй Союзис колхоз'езын да Совхоз'езын подаэс искусственнэя осеменитан дело пондис паськыта применяйтчыны 1930 годсянь. Коми-Пермяцкэй оругын 1937 годэ первуись поселок Кудымкарын организуйтчис пода искусственнэя осеменитан пункт. Этік производительэн вэлісэ осеменитэмась 192 мэс. Ена осеменитэм мэсс'езлэн таво лонсэ куканнез.

Ыджыт недостаток вэлі керэм мэйму случнэй журналын. Случнэй журналэ вэлісэ гижэмась токо мэс владелецезлэн фамиленім да айним, абу вэлі гижэмась адрес'ез. Етасянь ез позь сувтэтны зоотехнической контроль ния мэсс'ез дьнэ, кэднйя вэлісэ случитэмась искусственнэя, ез позь тэдны искусственнэя осеменитэмсянь бьдэс результат'ез.

1938 годэ миян округын организуйтчисэ искусственнэя осеменитан 3 пункт: Кудымкарскэй поселковэй советын, Юсьвинскэй районин да Кудымкарскэй районис Ошибскэй племеннэй опорнэй пунктын. Кудымкарскэй поселковэй советис пункт должен вэлі искусственнэя осеменитны 400 мэс, Ошибскэй—500 мэс, да Юсьвинскэй—400 мэс. Но ета планыс сорванэй. Юсьвинскэй районис пункт осеменитис токо ешэ 43 мэс, Ошибскэй 21 мэс да Кудымкарскэй поселковэй советын—11 мэс.

Ета важнейшэй мероприятиенс пода уллучитэмын миян округын сорванэй. Искусственнэй осеменитан кампания кежэ ез вэв некытшэм лэсэятчэм. Искусственнэй осеменитан дело л'едзэм самотёк вылэ. Земельнэй орган'езсянь ета делонь абу конкретнэй руководство.

Советскэй правительство сувтэтис вопрос, медбы чоужыка чулэтны миян странаын подаэс метиза-

ция, медбы миян пода вэлі вылына продуктивнэй. Токо искусственнэй осеменитан дело применяйтчэман позь буржыка используйтны мэдбур производителлэс, чоужыка да научнэй основаез сьэрти чулэтны случнэй кампания. Но миян округын ета вопросис абу наладитэм.

Босьны город Кудымкарэс. Самэй Кудымкарын нель колхоз, бьд колхозын емэсь молочно-товарнэй фермаез, ем пода колхозниккезлэн, рабочейезлэн да служащэйезлэн. Естественнэя осеменитэмэн колхоз'езлэн производителлэс оза верма обслужитны бьдэс пода. Искусственнэя осеменитан пункт ковсьэ обязательнэя. Сія ем. Но ета пунктис немьмда оз удовлетворяйт нийэ требованиэезсэ, кэднэ колэны пункт понда. Пункт понда натодиль помещеннэ абу, нормальнэя уджавны оз позь. Кудымкарын колэ керны обязательнэя натодиль помещеннэ искусственнэя осеменитан пункт понда, кэдэ бы обеспечивайтис бьдэс искусственнэй осеменитан правилоезлэ. Етэ вопросэ Кудымкарскэй поселковэй советлэ колэ л'обтыны эні жэ.

Мэдик вопрос, кэдэ колэ л'обтыны Кудымкарын—вэвез искусственнэя осеменитан вопрос. Вэвез искусственнэя осеменитан дело миян округын езна применяйтчы. А Кудымкарын коліс-бы ета делосэ организуйтны. Кудымкарскэй поселковэй советис колхоз'езын абу этік чистокровнэй племеннэй жеребец-производитель. Ета годэя случнэй кампаннэ коста колхоз'езис ценнэй маткаезэс местнэй уллученнэйезэс да метис'езэс случайтэны умэль производителлэс. Кудымкарын ковсьэ имейтны вэвез искусственнэя осеменитан пункт да бур жеребец-про-

изводителлэс.

Енэ вопросезэс ковсьэ проработайтны окружнэй организациезын эні жэ да сувтэтны вопрос областнэй организациез одзын, медбы ния миян округлэ ета понда л'едзисэ денежнэй средстваез. Искусственнэй осеменитан пункт'ез строительство колэ пондэтны арсянь да окончитны строительствосэ не сёрэжык 1939 годэя март мисеч вылын, медбы случнэй кампания пондэтчикэ ена пункт'ез вэлісэ готовэйэс.

Колэ отметитны ешэ этік вопрос, етэ искусственнэй осеменитэм понда производителлэс бэрийэм. Ена кык годэ производителлэсэ пункт'езэ колхоз'езис босьлісэ токо с'эк, кэр ковси с-ни развертывайтны случнэй кампания. Производителлэс ез вэлэ готовитэ мэсэ случнэй сезон кежэ, мыйсянь и срывайтчэ искусственнэй осеменитан дело. Искусственнэя осеменитэм понда производителлэсэ колэ бэрийны арсянь да с'эк жэ кутчыны готовитны случнэй сезон кежэ.

Колэ настоящэя кутчыны пода бурмэтан дело бердэ. Колэ конечэдз ликвидируйтны вредительскэй последствияез животноводство делонь. Наладитны округын искусственнэя осеменитан дело—с'етшэм важнэй задача сулалэ пода вэдитись работниккез одзын.

Окрзись старшэй зоотехник Ушкова.

РЕДАКЦИЯСЯНЬ: Ёрт Ушкова совершенно правильнэя сувтэтэ вопрос округын искусственнэй осеменитан дело йылісь. Ета совершенно актуальнэй и назревшэй вопрос пода вэдитан уджын. Мийэ надейтчам, што Окрисполкомлэн президиум заинтересуйтчас етэн делонас.

Оз заботитчы
М. Т. Ф.
понда

Верховскэй колхозын М. Т. Ф. находитчэ умэль состояннён. Абу стандартнэй скотнэй двор и пода сулалэ бьдсэн частнэй дворезын.

Подалэн упитанность эддын умэль. Сідз-жэ куканнез дьнын ухаживайтэны умэля, куканнез норма полчайтэны не бьдэс. Мыйсянь с'етшэм умэля бьдмэ молодняк.

Мэс фермаын заведующэй ёрт Бормотова оз заботитчы, медбы устранилны недостатоккез да лэсэятчыны стойловэй период кежэ буржыка.

Бражжина

Ешэ этік японо-манчжурскэй
провокация

ХАБАРОВСК. (ТАСС). Июль 22 лунэ.

Татэн полчитэм сведеннээс сьэрти, июль 21 лунэ кык манчжурскэй моторнэй пыжжес Усури ю вылын, Видное посёлок районин, нарушитисэ граница, пуксьэтис советскэй Фаингов остров вылэ кватэ японо-манчжурскэй солдатэс, кэднйя чожа осьтисэ би советскэй катер кузя, кэдэ муніс ны дьнэт. Миян

пограничниккезэн мераез примитикэ бьдэс кватэ японо-манчжурскэй солдат'ез вэлісэ задержитэмэсь, перестрелка коста ны коласись кыка вэлісэ ранитэмэсь. Солдат'езкэт этланы вэлі мырддыэмэсь: ручнэй пулемёт, вит японскэй винтовка, пистолет „Маузер“, тысячася унажык боевэй патрона'ез и уна бьдкодь мэдик снаряженнээс.

Врид. ответствен. редактора Е. Мехоношин.

Потерялась корова комолая, красно-бурая, белопахая. Просьба знающим сообщать за вознаграждение

по адресу: Кудымкар, Лесхоз, телефон 1—68 Дурыгину Н. Е.